

17

*Mechanica rerum explicatio non ducit
ad Atheismum.*

Candidus abstrusas si quis referare cavernas
Naturæ, & series causarum scandere gestit:
Jura catenatas cernet moderantia causas,
Et vires motûs; Summi qui Numinis arte
Ludit diversas in eâdem mole figuras.
Nempe uteris aptis rerum primordia numen
Condidit, insinuans calor incubat, atque favillas
Excitat internas Brutorum animare cruorem.
Machina mira subest; nostræ velut æmula mentis,
Neve intersit adhuc (nec sanè injuria) Divus.
Sic quoque vi motûs tellus damnata metallis
Millia visceribus sustentat tormina stricis;
Circuitûsque suos absolvit sedula longos.
Curfibus assiduis tandem defessa, sagittis
Pressaque Phœbeis, multum sudoris anhelat
Sulphurei; *Tethys* jamque evomit ægra vapores.
Agmina Terrigenæ proles pro more Gigantum
Summa petunt; radiis & junctis viribus obstant.
Est locus immensus cœlo manifestus in atro:
Huc candens *Cyclops* globulos jaculatur ab alto
Cœlestes, fumus quos pressos strangulat Uldus,
Qui mox cum sociis terram turbatur ad imam,
Parturiunt montes, herbam dat victaque tellus.
Hæc motus peragit, nec digna Tragoedia Divo est.
Filiolæ, (*Gilberte*,) tuæ magnetis amorum
Ostenduntque probantque modos, cur nupta Polorum
Uni, pars eadem castos conservat amores.
Surget ad hæc quidam vetulus de stirpe *Stagiræ*,
Invaluit tantum rerum Magnetica Virtus;
Ut mirum non sit si ferrea prævalet ætas,
Quâ fugiunt verum, pietas, cultûsque Deorum.
Ait cum sit motûs famulantis tanta potestas,
Immotus mundi Motor (Proh) quantus habetur!
Mallem ego Naturâ rerum secludere motum,
Quod quidam fecêre; Dei quàm dona negare:
Illud enim sensus suadent, hoc mens mea monstrat,
Scilicet à vacuâ quòd stamina traxit Abyssò.

E R G O,

Quàm probat esse Deum tam dædala machina rerum
Qui potuit stabili mundum disponere jure
Instabilem, & fixas non fixis tradere leges!

Julii 4. 1676. In die Comit. Respond. Roberto Apleford, Coll. Divi Joh. Soc.

*Captivi potentiâ lædendi destituti nõ
possunt jure occidi.*

Sit licet adverso nimirum crudelis in hoste
Miles, & indomitâ plusquam virtute Severus;
Non tamen hostili captivum absumere ferro
Jura sinunt, fugit omne prius, cum tempore, crimen
Obliviscendum, & Nemese revocabile nullâ.
Nunc Domini sub jure novi, nova vincula passus
Infelix, nè quicquam ultra temerarius ausit,
Huic dabit ultori pœnas: & sanguine toto
Nota repurgabit veteris vestigia culpæ,
Quam sub Rege alio, bellique ardore, peregit?
Si vestrâ sub lege facit quæ ferre molestum est
Plectite victores, pœnâsque reposcite dignas.
Sin capto sperare dolor, seu vincula cogant,
Hostibus ut similem fata evolvenda ruinam,
Et similes Fortuna vices conversa rependat
Non hoc est tam grande nefas, quod morte paret
Commissum: sentire datur; nam legibus esse
Nemo nocens poterit cui tollitur ansa nocendi.
Si crimen vixisse fuit, si vescier aurâ
Ætheriâ, & stricto defendere pectora telo;
Erravit Natura monens improvida factum.
Rex hostem contraire jubet; parere jubenti
Numen, & objectos invadere fortiter enses:
Sic Bellatores, velut instrumenta, reguntur,
Artifici jactanda manu: pugnare necesse est.
Sed placet accenso major vindicta timori:
Ut pueris, ubi plagosus cum verbere crebro
Sæviit Orbilius, mos est violare flagellum.
Ignavos hæc ira solet, pavidosque movere,
Egregiis indigna viris, virtutibus impar.
Quod si crimen erit vires habuisse minores,
Demite me Superi terris: en ipse misellus
Confugio ad montes: hominésque urbésque valet.
Quantumcunque licet: mihi per deserta ferarum
Tendenti non tanta movent discrimina curas.
Parcere prostratis didicit *Leo*, parcere victis
Omne animal, nisi dura fames nimis ilia pulset,

E R G O,

Turpiter argentem Victor sine crimine dextram
Sanguine captivo tinctus, magis ipse meretur,
Quas capit indignè, Naturâ judice, pœnas.

